



12. september 2014

Inatsisartut Suleriaasianni § 37 naapertorlugu Naalackersuisunut imaattunik apeqquteqar-punga.

- 1. Naalackersuisut isumaqarpat inunnik tarnimikkut napparsimasunik Namminersorlutik Oqartussat illuutaanneeqqusinnginneq inuit pisinnaatitaaffiit naapertuuttoq?**
- 2. Namminersorlutik Oqartussat taamatut tupaallannartumik aalajangernerannut isumaliutersuutit suut tunuliaqutaappat? Aamma Namminersorlutik Oqartussat innuttaasut allat siunissami ilaatitaajunnaarnissaat pilersaarutigivaat?**

(Inatsisartuni ilaasortaq Naaja H. Nathanielsen)

### **Tunngavilersuut:**

KNR-ip Ineqarnermut Naalackersuisoqarfiup Kommuneqarfik Sermersuumut<sup>1</sup> allagai tamanut saqqummiuppai. Allakkani taakkunani Namminersorlutik Oqartussat isornartorsiorpaat innuttaasut tarnimikkut nappaateqartut Namminersorlutik Oqartussat illuutaanni najugaqartinneqarnerat. Namminersorlutik Oqartussat kissaatigaat taama periuseqarneq unitsinneqassasoq, siunissamilu tarnimikkut napparsimasut taamaallaat kommunip illuutaanni najugaqartassasut. Tamatumunnga pissutaatinneqarpoq Namminersorlutik Oqartussat isumaqarmata tarnimikkut nappaatillit "nipiliorpallaartut", "mingutitsivallaartut" "qunusaarisartut" eqqaallugulu inuiaqatigiit tarnimikkut napparsimasunik inissaqartitsinerat inuup inuuneranik naleqarsinnaasoq.

Aalajangerneq tamanna inunnillu isiginneriaaseq aalajangiinerup tunuliaqutarisaa akaarnaappoq. Isumaqarpungalu inuit pisinnaatitaaffiit unioqqutitsinerusoq.

Siumoortumik qinnutigissavara apeqquteqaat ullut suliffiusut qulit qaangiutsinnagit akineqassasoq.

---

<sup>1</sup> <http://www.knr.gl/kl/nutaarsiassat/ineqarnermut-naalackersuisoqarfiup-inuttut-pisinnaatitaaffiit-unioqqutippai>